



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1558. usque ad annum 1560

Fleury, Claude

August. Vind. [u.a.], 1771

VD18 90118588

§. 51. Propositiones Ægidii Bigotii censuris perstrictæ.

[urn:nbn:de:hbz:466:1-66800](https://nbn-resolving.org/urn:nbn:de:hbz:466:1-66800)

etiam Facultas prohibuit, ne Doctores ^{Sæcul. XVI.}
 verbis uterentur parum honestis, vel ^{A.C. 1558.}
 modestiæ, ac decentiæ adversis: Id quo-
 que die septima Decembris rursus in-
 novatum fuit.

§. LI.

*Propositiones Ægidii Bigotii censuris
perstrictæ.*

Prima die Septembris eadem Facultas *Argentve*
 congregationem pro more in Sorbo-^{p. 189.}
 nensi Collegio post rem divinam de Spi-
 ritu Sancto peractam habebat, ubi qui-
 dam Abbas a Bajocensi Episcopo able-
 gatus in pleno Facultatis confessu no-
 mine sui Episcopi Decanum, ac Docto-
 res rogabat, quatenus nonnullas proposi-
 tiones, quas Ægidius Bigotius Cado-
 mensis Universitatis Doctor enuntiave-
 rat, sedulo examini subjicerent, eas-
 que, si ita videbitur, censuris notarent:
 Itaque ad illius preces Facultas præ-
 primis declarabat, mentis suæ esse,
 quod nec deputati, nec Facultas om-
 nes propositiones, quas quævis Personæ
 afferrent, vel mitterent, censura notan-
 das acciperent, sed tantum eas, quas
 vel Episcopi, vel iudices, aut gravita-
 tis, ac auctoritatis magnæ Viri affer-
 rent, vel mitterent.

Postea decrevit Facultas, ut propo-
 sitiones a Bajocensi Episcopo denuntiatae

Sæcul XVI.
A. C. 1558.

prælegerentur, atque a Doctoribus hanc in rem nominatis discuterentur, iique postea suum desuper iudicium proferrent. Itaque die sexta ejusdem Mensis habito conventu, lectisque, ac examinatis Ægidii Bigotii propositionibus, unaomnos debitis suis censuris perstringebantur. Hæ propositiones numero erant triginta, & quidem prima his concepta verbis. *Ecclesia non est ædificata supra Petrum, sed duntaxat super Jesum Christum.* Hujus propositionis censura erat sequens: *Et si Christus sit primarium Ecclesie fundamentum, hæc tamen propositio conspirat hæreticis nostri temporis, tollentibus primatum Beati Petri.*

II. *Claves non soli Petro, sed etiam aliis Apostolis fuerunt promissæ:* hæc propositio eadem censura fuit notata: altera vero ejus pars tanquam hæretica proscribatur.

III. *Clavium Ministerium, earumque usus non est alius, quam annuntiatio Evangelii, & gratuita peccatorum remissio per Christum Dominum facta:* hæc propositio est hæretica, & evertens potestatem clavium absolvendi a peccatis.

IV. Auctor non loquitur de jurisdictione Ecclesie, sed de clavi scientie, in qua peccatorum remissionem consistere affirmat. Hæc propositio pro ultima parte est hæretica.

V. Cu-

V. *Cujusdam Sacerdotis concubinari* Sæcul. XVI.
Missæ interesse non licet: Hæc propositio sic A.C. 1558.
 indistincte prolata est falsa, & scanda-
 losa.

VI. *Peccata detinentur, quando quis nec credere, nec Evangelium recipere vult, remittuntur vero peccata illis, qui audiunt Evangelium.* Hæc propositiones, sexta, nona, decima quinta, decima septima, vigesima septima, & vigesima octava ad eundem finem tendentes sunt hæreticæ, evertentes potestatem clavium, & absolvendi a peccatis.

VII. *Manducare, & bibere carnem, & sanguinem Christi nil aliud est, nisi credere, quod Christus humanam naturam assumpserit, solus sit Mediator noster, & pro nobis mortuus fuerit.* Facultas hanc subjecit censuram: Hæc propositio est hæretica, & Sacramentaria.

VIII. *Abraham per solam fidem, & non modo ipse, sed nos quoque absque operibus justificamur.* Hæc propositio, inquit Facultas, est hæretica.

IX. *Illi, qui audiunt Verbum Dei, a suis peccatis absolvuntur.* Hæc propositio æque, ac sexta iisdem notatur censuris.

X. *Sancto Petro haud amplior, quam ceteris Apostolis jurisdictio competit.* Hæc propositio est schismatica, & hæretica.

XI. *Mi-*

Sæcul. XVI.
A.C. 1558.

XI. *Minister, seu Episcopus, si nil aliud, quam quod in se est, facit, nullam habet jurisdictionem.* Hæc propositio est schismatica, & hæretica, olim condemnata in Concilio constantiensi.

XII. *Purus homo nec potestatem habere, nec fundamentum Ecclesiæ esse potest.* Hæc propositio, juxta Facultatis judicium, cum prima conspirat.

XIII. *Quando Auctor de clavibus loquitur, affirmat, quod detur clavis scientiæ, & alia jurisdictionis, sed de hac Prædicator silet, cum duntaxat de clavi scientiæ ad ædificationem populi differere intendat.* Hujus propositionis censura a Facultate non refertur.

XIV. *Ministrorum quivis plene plus potestatis, & auctoritatis habet, quam Christus, ejusque Apostoli.* Hæc propositio est temeraria.

XV. *Ligare, & solvere nihil aliud est, quam nolle Evangelium audire, vel illud abnegare.* Hæc propositio eidem, ac sexta censuræ subjicitur.

XVI. *Nos omnes sumus Sacerdotes.* Hæc propositio sic indistincte prolata est hæretica.

XVII. *Hi, qui amant Verbum Dei, & habent fidem, & confitentur Christum, sunt absoluti.* Hæc propositio itidem pari censura, ac sexta perstringitur.

XVIII.

XVIII. *Episcopus, vel Minister, quantumcunque pius, & justus sit, nisi sit etiam doctus, clavium potestatem non habet: Hæc propositio est schismatica, & hæretica.*

Sæcul. XVI.
A.C. 1558.

XIX. *Nemo magis Evangelio, quam Sacerdotes adversantur. Hæc propositio est falsa, schismatica, & injuria Ordini Sacerdotali.*

XX. *Claris verbis Auctor enuntiabat, quod loqui non velit de Corpore Christi contento sub speciebus panis, & vini, sed de corpore mystico, & unitate, qua membra adinvicem conglutinata esse debent. His addidit: Manducare, & bibere Corpus, & Sanguinem Christi nihil aliud est, quam credere.*

XXI. *Audistin heri illum Concionatorem, qui dixit: duas dari manducationes, si ille rem probe inspexisset, non nisi unicam dari deprehendisset. Hæc propositio est hæretica, & Sacramentaria, conspirans duabus aliis.*

XXII. *Nos omnes sumus justificati per fidem, & confessionem Christi Domini, & non per opera, nec per ritus: Secunda pars hujus propositionis est hæretica.*

XXIII. *Sanctus Petrus non est Ecclesiæ fundamentum; ea enim super purum hominem non potest esse fundata, quia homines sunt immundi, & Peccatores. Prima pars hujus propositionis conspirat primæ, & secunda*

Sæcul. XVI. A.C. 1558 secunda est hæretica, conspirans errori
Wiclefistarum.

XXIV. *Claves Regni cælorum non modo sunt promissæ Divo Petro, sed pariter omnibus aliis Apostolis. Id Author comprobare nititur ex Christi Domini verbis in Evangelio relatis, ubi inquit: quæcunque peccata remiseritis: nempe in numero plurali. Postrema pars hujus propositionis eadem censura notanda est cum tertia propositione.*

XXV. *Si Sacerdos aliter prædicat, dicens, quod per opera remissio peccatorum fiat, vel per cæremonias, & traditiones humanas, non aperiet ferram, aliam tenet clavim, omnia destruit, & confundit. Hæc propositio est captiosa, & de hæresi suspecta.*

XXVI. *Sacerdos non remittit peccatum, sed duntaxat declarat, quod peccata nobis sint remissa. Hæc propositio, inquit Facultas, est hæretica.*

XXVII. *Verum mysterium, quo remittuntur peccata, est credere. Hujus propositionis censura eadem est cum sexta.*

XXVIII. *Tunc detinentur tibi peccata, quando hanc doctrinam recipere renuis. Hæc propositio eandem censuram, ac sexta promeretur.*

XXIX. *Ministerium æque bonis, ac perversis datur: ast potestas duntaxat bonis*

nis conceditur. Secunda pars hujus propositionis est hæretica.

Sæcul. XVI
A.C. 1558.

XXX. Sacerdotis ministerium est duntaxat, peccatum declarare remissum: illud autem non remittit, nisi sorte ministerialiter, quia omnia hæc a Deo proveniunt. Hujus propositionis censura non indicatur.

§. LII.

*Guilielmus Manourius Mathurinus
Monachus a Facultate damnatus.*

Denique die vigesima quinta Octobris hoc item anno Domini millesimo quingentesimo quinquagesimo octavo Guilielmus Manouerius Theologiæ Doctor, Ordinis SS. Trinitatis, seu Mathurinorum Sacerdos coram Episcopi Parisiensis Officiali comparere jubebatur, cum accusatus esset, quod in suis sermonibus perversam, erroribusque plenam doctrinam sparsisset, quam retractare lata in eum sententia jussus fuit. Ceterum hujus Religiosi errores speciatim non significantur, ex ejus tamen palinodia colligitur, quod has, quæ sequuntur, propositiones propugnauerit. I. Omnes in Missa Sacram Synaxin recipiant. II. Sancti non nisi generaliter pro fidelibus orant. III. Non datur Purgatorium. IV. Missa in idiomate gallico

*Argentre ut
supra in
app. p. 25.
Es tom. 2.
p. 190.*